

其誰能與於斯乎予既嘉士修臨清之政有過人者又聞其雅志慕古有不自足之心且方陟布政于滇南其於政也正所當急意者將進於斯乎故因吳侍御汪黃門之族子以時德敬輩請文贈君作是說以貽之

懋仁王氏納吉禮文

伏以台垣承寵曾沾山斗之餘光月老定盟載副
絲蘿之至願知我愧昔時之管鮑通家幸今日之
木陳事匪由人禮宜稽古恭惟執事伊周事業董
文章德望久重於朝端風範夙嚴於閭內令愛

小姐四德俱閑已克遵乎輦輓小兒懋仁一經粗
守僅不失其弓裘爰荷片言永諧二姓禮久違於
宦轍心每馳於德門仰哲人之知幾明農已久愧
腐儒之備位謝政初歸當三陽將泰之時正六禮
聿修之始儀非雙壁聊將種玉之懋諾已千鈞奚
羨斷金之義敬陳蕪牘用表芹誠尚迨標梅之期
永叶桃天之詠

戒菴文集卷之十八

卷文集卷之十九

五言絕句四首

送王國儀南歸

光
三年京國夢猶自在東牀今日因君別潸然憶孟

寓仁濟庄贈何竹逸

稼
竹林鶴髮翁迂我南山下把酒對澄江相與說禾

懷冉晦之二絕

龍華山上月還向帝都明如何月下伴許久不同

卷文集卷之十九

五言絕句四首

送王國儀南歸

光
三年京國夢猶自在東牀今日因君別潸然憶孟

寓仁濟庄贈何竹逸

稼
竹林鶴髮翁迂我南山下把酒對澄江相與說禾

懷冉晦之二絕

龍華山上月還向帝都明如何月下伴許久不同

行
客中今夜酒還是故園春如何歡浹處獨少故園人

七言絕句

吳通判自京還潤

鵬舉豈宜淹小邑鳳棲只合在王畿自是九重憐赤子江南又借寇君歸

燈花

夜半燈花剪復開人言明日遠書來箇中消息誰
衣主笑向牕前覆酒杯

寄戴廷訓

戴星踏月赴承明殘夢仍從馬上成怪殺蒼頭驚
覺蚤話君不盡別來情

寄錢君宗徹

我在紅塵君碧山漫無音信報平安知君不是忘
情者却爲情多下筆難

寄水西唐居士

十畝青山萬頃田春來時放米家船鳳毛更在雲
霄上何用蓬壺別問仙

賀李司空鶴山得子用諸閣老聯句韻四首

鶴山功業畫麒麟爭似充閭一喜新試問啼聲果
英物清時還作廟廊珍

化生盆裏浴騏驎天上將來骨像新他日一經仍
取相謝庭蘭玉未爲珍

祥麟元自產祥麟袞袞公侯夢尚新來歲還應添
五桂鄰林那羨一枝珍

飯出胡麻脯璧麟完明堂上月華新冗予尚後犀
錢會不醉仙家玉露珍

題淵明對菊圖

栗里風光別後詩一尊獨咏晚香時折腰欲問歸

來意只許東籬老菊知

與竹逸對弈戲筆

暖日晴雲過竹林枯碁一局傍花陰如何八十清

修客猶有爭名競勝心

逸老堂前戲一場江東子弟舞如狂百年世態還
同戲對月如何不盡觴

壽年兄王應爵四首

曲江一宴百年情回首相看事幾更欲把吳江釀
春酒年年汲取壽先生

雙鳧飛作栢臺春子晉于今有後身自是仙家多

幻術又來竹底作詩人

英雄回首即神仙林下優游又十年千歲壽中才

六十且將詩句記華筵

一丘一壑是平生金紫元無仕宦情何事知心有

南極壽星今夜十分明

慶錢屋舟得孫

阿翁買藥不論錢一念生生六十年今日諸孫紛

綵戲始知鼎謝有皇天

世人不知為善好只說杏林春色早芝蘭滿地花

復花杏林主人身未老

題舊扇寄廷訓

握手相隨三十載清風只似布衣時中間賸有炎

涼日誰信此君都不知

贈汝法改號菊田

千載淵明法不傳祇將晚節慕前賢未論愛菊真

何意只解尋幽也自賢

咫尺尋芳不見芳又愁風雨菊殘傷何當學取王

猷法徑自携尊過草堂

與敬夫

江城秋老菊無花恨殺東籬釀酒家不道易開還

易落誰知開晚更堪誇

示懋仁兒

銀瓶雪煮玉泉茶
火候誰傳過海涯
安得仙人三百掌
五雲深處壽皇家

贈達士用偕迺郎赴秋闈

丹桂今年開最奇
東園佳地我先知
引雛老鳳翔千仞
五色文章瑞聖時

壽嚴母嚴夫人六十

記得瑤池三母家
仙歌一曲侑流霞
如今更道添佳事
雙鳳諧鳴荆樹花

秋來寶婺常依月
鳳去孤凰自引雛
若把遐齡量懿德
手摩銅狄定看無

五言律詩

宿河西務

兩宿河西務
葵心日幾回
回望凝天闕
近門訝使車
來寒氣著人薄
晴光向客開
明朝須早發
疋馬上金臺

雨中荅吳寧菴

霖雨通宵作
吾廬侶小洲
簷翻鷺倒峽
庭泛可乘桴
弱僕勞疏洩
佳朋枉計籌
果能手敵足
那卹一

身愁

贈王君秉哲出宰耒陽時子大化解元方游

南監

雙鳧忽飛去天際羨王喬客坐青氈舊賢關玉樹
遙湘流環古縣山色入層霄佇見鳴琴日絃誦樂
事饒

壽王翁守愚

故族推嚴父名鄉得大賓桑麻三世業花鳥一江
春老健何煩杖安居不問津神仙元有種子晉是
何人

夜與孫九峰吏侍論丘深菴太學故事慨然
興仰乃用壁間黎太僕先生韻贈孫

空庭坐秋夜茅塞賴君開酷暑何方去秋風此又
來口碑真勝石心醉不緣杯雪掩深菴冷誰當爲
育材

至日重入翰林

曉日開金殿晴雲護鳳池雲消三白後地復一陽
時綸命承新寵樗材愧聖知坐看吾道長萬物總
熙熙

寄冉晦之

聞說懸壺客壺中日月間菊香封壽酒花暖護慈
顏慶澤中冷水遐齡北固山春風還解事助爾舞
斑斕

送陳道生歸義興

雙鵲噪庭闈仙郎此日歸手持和氏璧身著老萊
衣水落孤帆遠秋高一鴈飛平生經世念珍重莫
教違

送許友梅還京口

故里推遺逸神京話別離一尊黃菊酒千首友梅
詩吉夢先烏府清名動鳳池謝庭如拜慶爲我道

相思

送鄉人孔揮使子

昔別尚童子今來還偉人虬髯而父像猿背將官
身北海聲名舊南宮肺腑新臨歧何所贈一劍鎮
風塵

席上飲沂姪酒

瑞雪從天降歡聲動地來朔風猶臘月和氣已春
臺王樹層層起瓊花細細開一尊三白酒與爾且
啣杯

七言律詩

和沙羨王公濟先生游勝果寺

公餘信馬出郊關多少春隨畎畝間陶令高懷聊
寄酒謝公清興謾登山識荆何幸還傾蓋下榻多
情益汗顏循吏向來皆顯擢吾侯坐看侍鶴班

送蘭孝先還廣陵

正好論心又欲行江風不盡別離情十年交誼傾
平仲一郡才華重長卿樹遶帆檣隔瓜渚天低馬
道見燕城相思有思君知否九曲亭前看月明

顧德光寄示夜坐詩依韻贈之

坐看爐薰裊翠蚪煩蒸過雨轉清幽團團月上管

寧榻細細風生王粲樓青簡有時窺聖哲朱門無
事謁公侯若爲奏賦承明殿莫學相如苦宦游

同顧德光陶公輔飲唐良伯一泓清可軒夜
歸作

清可亭中待月時風光疑是影娥池一尊興與陶
元亮三絕人憐顧凱之華燭搖心分暝色薰風吹
爽入吟髭歸來不盡追陪意夢裏猶賡席上詩

贈費崇父

金蘭交誼自髫年三益無慚代木篇門第肯矜華
曾遠衣冠爭羨白眉賢尋花別墅春隨馬醜酒空

江月滿船塵壑不侵心自逸人間何處覓神仙

哭丁易洞先生

華岳中峰一夕摧南徐矜佩更誰依行藏空載伊
川易笑語寧聞坡老詩真隱何曾違梓里拜官元
不待楓墀江流絕侶諸生淚愁繞孤山鶴淚時

送段惟勤令新城

紅亭莫惜罄離觴明日盱江路渺茫底事相親復
相別幾人同榜更同鄉萬家絃誦停車處四野桑
麻遠縣苟不有鳳鸞棲枳棘何緣青簡見循良
舟至河西務喜而有作

蘭舟綵纜百天牽帶月衝風路幾千自計迂踈成
底事敢圖溫飽媿前賢千峰侶逐孤帆轉一水能
隨曲岍旋誰道禁城猶百里寸心先倚五雲邊

寄賀程揮使新居成

聞道江頭卜築成故人天外遠含情花香定擬栽
三逕竹密應煩去幾莖高閣賞春傾杜酒明牕坐
夜對韓擎已看一室餘經濟四海還勞仲舉清

寄謝王孔二揮使

暫辭香案朶雲紅又束琴書謁漢宮壯志直期三
代上旅懷難罄一槭中風前講武思王霸月下論

文憶孔融南北相違四千里高堂何日酒杯同

壽丘閣老先生

四朝中外仰聲名相業終然屬老成周室秉衡遲
呂望漢庭優禮重桓榮三台佳氣聯南極五嶺祥
光接上京更願直臻松鶴筭常調大化保昇平

韋秋山同學千丁易洞別來無詩書以道意

秋山那與衆山同吾郡風流近屬公易學早探程
氏祕詩名翻作杜陵窮南來底事無雙鯉北去真
成後一鴻別思悠悠如渭水長竿流不到江東

慰戴廷訓下第

幾回縮手媿公輸何事齊門獨好筭三獻謾勞啼
卞玉千金終許售隋珠龍成魚腹真何事鶴立雞
羣亦自殊愛取城南行樂地舞雩風月且相娛

小傳見托冗未果作詩以謝之

文逋未謝苦君煩祗爲踈慵獨負言管仲舊勞知
鮑叔朱清自合傳宗元藥爐夜靜窺丹母竹院春
暄數鶴孫還憶江頭爲別處淡烟斜日水雲村

同吳克溫審菴論詩

駐馬論文日又斜情親总是長官家周詩元自關
風化唐韻分明重物華爲挹高情鄰季子偶談奇

字媿侯芭也知麗澤朋儕事欲倚瓊瑤恐厭葭

送南京曾學士之任

柳色鶯聲滿帝京春風隨處引行旌高文今日推
曾鞏大對當年羨董生夢穩不驚金馬詔官閒仍
是玉堂清應知汲黯南行後不盡惓惓補袞情

壽致仕參將劉公西涯先生母舅

一陽生後際佳辰人意分明相吉人鐵馬金戈非
舊夢畫堂紅袖有餘春謾驚頗老猶能飯誰侶班
生蚤乞身時泰定知心更樂黃封不厭壽觴頻

壽楊碧川先生叔母

萊妻陶母任稱賢曾偕夫人樂事全地隔蓬瀛才
一水眼看簪笏已三傳兒童也解歌麟趾天地從
教占鶴年好釀碧川供壽酒南薰歲歲醉華筵

楊石齋側室有雙生之慶已而失一子和諸

翰長韻

瑞氣充閭產異才歡聲連日遍芸臺澤深岷水經
三世秀出眉山見此孩鳳穴漫傳雙鳥出桂林只
合一枝開南山正愛垂樛木詩罷從教醉幾回
夜飲楊石齋官舍與王守溪張仲謨聯句三

首

騎馬尋君日已斜王一時高念興無涯盤飧餽
三家合張官舍連綿半里賒楊魯酒也能留逸少
玄文何幸飫侯芭蘄歲寒此夕同心事隔巷來過
路不遐詩酒追陪月幾回張佳時况值一陽來論
心未覺寒宵永蘄刻燭頻驚逸興催三益何當開
菊逕楊五言先擬乞橙栽斯文契合忘歸去楊玉
樹相依愧不材寒夜分題隔座傳楊坐銷銀燭久
留連新醪屢向罍頭過王醉眼渾疑水底眠居重
買隣慚我負張文能華國羨君賢更闌未足酬高
興蘄小立風前續短聯

送盛秋亭兼柬吳克温

鵲亭有夢天應覺故遣東風送畫船
冗我尚逋端友詠祝君頻寄惠山泉
松牕滴露臨蘇帖月榭分光校楚編
間過義興吳李子相思煩為道懸懸

題新淦簡氏世美堂

喬木陰中世美堂不陰輪奐藉揄揚
青衿濟濟看諸子華胃遙遙重一鄉
可用燕貽書忍字共傳家集富篇章清
江遠遡崑崙水猶恐難同積慶長

和王守溪先生獨居寫懷

退直鑿坡日已昏一天月色照朱門
離愁正自憑

詩遣清樂終難與衆論望重調羹歸未遂情深陟
岵夢猶存何當載酒春風坐暫借青氍半席溫

送吳君還宜興

才到京華便欲歸野人元不慕輕肥張公洞口鷗
仍羨楊子江頭鶴又飛白首最宜藤竹杖紅塵難
澣薜蘿衣却思彈鋏歌魚者俛首依人果是非

送楊承家

麒麟落地便驚人鞭策從知不待人膝下異聞詩
共禮客中歸夢楚連秦行隨憲節風聲遠吟對澄
江藻思新清白自來傳世德壯年須早繼芳塵

送劉衡仲知濬縣

朔風寒日送君行翻覺春陽滿旆旌吏事太丘應
有語文章小宋亦知名天連北極郎星近地入中
朝故俗更不獨乘駟膺召易頌聲先喜慰難兄

碧渠詩爲李君宗朝賦

白雲深處有山庄分得滄溟入小塘水面雨翻菱
葉亂門前風送稻花香竹床不作勞生夢石枕惟
藏種樹方愧我素飧無寸補明農何日共徜徉

壽王母七十

江頭水煖侶瑤池王母重生來可知華筵正當長

至節錦衣剛及古稀時層層花影團懸幙鬱鬱槐
陰映壽卮七十年來心似鐵絲絲猶愛柏舟詩

喜雪漫興

瑞雪飄時合舉觴臘前三白是植荷家家砌玉誰
論價樹樹開花也自芳一洗乾坤還太素條看日
月起重光不知明日春來未已覺東風上草堂

慶大尹吳先生壽七十

錦衣歸來陸地仙不須蟠果獻華筵柴桑落落陶
彭澤洞府悠悠葛稚川共羨佳辰開七秩我期遐
算合三千于今監史瞻天象又報文星入壽躔

和涯翁韻三首

高帽臨風不受寒涯仙丰采憶長安山林製古因
人勝珠玉詩成寄遠看更若有花須舉酒縱教無
竹也能飡懸知買斷滄洲後無復虞廷夢舞干
炎蒸無暑雪無寒天與山林一段安但子何慚高
士服從人謾作老坡看中冷水冽因同飲黃菊英
肥可獨飧乞得閑身今已久野花山鳥莫相干
草堂雨過夜生寒轉覺坡巾病更安望裏欲隨鳩
杖至夢中猶作豸冠看安居何地非君德肉食當
年是素飧却恨赤松尋未得日來婚嫁事仍干

用涯翁韻贈國儀

盟在雞壇未忍寒世情反覆見交難
椒花生菜他鄉會桑梓松蘿舊日歡
青眼相逢惟子在素絲無數許誰看
遙知五馬行春地花滿江城月正團

沙道中病足劉美之約同年彗酒問之以喉
痛不赴戲柬下堂君已無憂色碎穀吾非學異方
難覓醉鄉嘲跛履且憑毛穎話中腸
合分此日真無分高興他時尚可償
漫有尊前好風景已將詩力讓劉郎

胡君食浩聞予有小恙不遠千里來自京口
時正值重陽節日因出恩賜酒饌席間口
占以贈之

帝里重陽節藥坡退食迴誰持桑梓信
未對菊花開玉食羅恩賜黃封出
內醅觀光亦何事千里上金臺

戒菴文集卷之二十

七言古詩二十首

贈温州黃司訓

一絨過我情曲通爾兄舊事吾先翁羨爾經學如
馬融况爾竒論驚上玄胡爲才高命數窮白首始
得官儒宮廣文臈冷道則豐青衿林立氣吐虹攘
題梁棟鳩羣工大厦構云誰功吁嗟時論頗不
公乃言賢哲皆登崇若言賢哲皆登崇清朝絳帳
今應空

贈張司訓

戒菴文集卷之二十

七言古詩二十首

贈温州黃司訓

一絨過我情曲通爾兄舊事吾先翁羨爾經學如
馬融况爾竒論驚上玄胡爲才高命數窮白首始
得官儒宮廣文職冷道則豐青衿林立氣吐虹攘
題梁棟鳩羣工大厦堂構云誰功吁嗟時論頗不
公乃言賢哲皆登崇若言賢哲皆登崇清朝絳帳
今應空

贈張司訓

與君邂逅樽酒同聆君論議生竒風憐君白首持
教鐸哀君無計驅韓窮兒曹祇愛熱官好孰知百
職皆天公假令賢哲盡要地青氊絳帳應須空師
儒官小寄則大實與世道潛流通夜雨門前立才
俊春風講下羅豪雄椽樟鞭楠籍長養他時樑棟
明光宮果然梁棟明光宮生平報國非無功丈夫
元不志溫飽道行名立卑猶崇欲續長歌報石子
媿我此日方匆匆

壽畢嘉會父

壽公欲以椿椿無恩澤能及人壽公欲以鶴鶴翔

逢島祗自樂維公道德乃先覺維公經義傳後學
昨承明詔擁臯比廣致衆材列懷桶春風所被何
廣哉登庸往往皆英才那須身自親民瘼已看膏
雨沾蒿萊卽今杖屨游林下尚足漸摩無賴者晉
鄙人爭羨元宗洛都誰不欽司馬平生爲善非近
名天公福善乃其情歲晚桃華仍並茂秋深桂子
時爭榮鸞詔兩頒應未已鳳雛萬里雲霄起拖金
鳴玉吾不歡化虎懸魚心獨喜公兮公兮人中龍
東藩冠蓋誰能同願言甲子千千歲雷雨下土無
終窮

贈張教諭

橫渠孫子真象賢早年聲價何隆然胸中萬卷飽
今古筆端五色生雲烟髯偉貌都且美望之一似
蓬萊仙千尋大木須世用連城美玉爲時捐數竒
潦倒困場屋騏驥垂首鹽車前公卿將相彼何者
晚從武邑分寒氈餘膏刺馥澤益溥珪璋瑚璉煩
磨鐫銓曹考最得顯摧新提文印辭堯天正路藜
蕪世已久還珠買匱吁可憐詞章記誦道之末誰
哉闕里尋真傳齷齪之士難與語願公三復菁莪
篇首帶盤中有至味幸勿羨彼食萬錢臯比座下
有至樂幸勿羨彼黃金羈君不見黃通一布袍河
汾事業山斗高又不見安定老講師蘇湖教法朝
野知古人不朽類如此公平公乎如二子浮雲富
貴何足論留取芳名照青史

松鶴圖壽朱憲副

莫疑豸史非胎仙但願胎仙歲八千莫疑喬松非
老桂但願喬松開千歲君侯積德那可當生兒更
作狀元郎嘉聲早聞徹帝所大材終見登明堂
壽圖遠寄獻卮酒栢臺草木生輝光吾聞鶴化松
亦折二物區區何足說清才直道補天工此翁此

子名無窮君不見高平范氏文正忠宣公

和張司馬仲湜韻送工部梁王事叔永還南

京叔永厚齋閣老之弟子辛未門生

嶺南人物孰與京虞廷鳳翥非鴻征未論甲第多
豪俊且說君家好弟兄君家年少傳今阿衡三年
不見荆花明池塘得句仍同被江海聞謫正濯纓
政成書最誰爲首我亦嘗叨稱賀酒德星午夜聚
台垣太史占天曾見否風光莫戀雨花臺玉京未
必多塵埃試看少傳登庸日也自南都奉詔來

梅花圖

江空山寂茲何辰千紅萬紫隨泥塵乾坤未許久
搖落一枝寒玉先回春此花宜雪還宜月暗香疎
影皆竒絕孤標豈獨占花魁更向歲寒誇晚節孤
山處士詩中仙徘徊獨立如相憐風致超然脫塵
俗詩成字字皆神傳鹽梅調鼎真誰事不羨孤山
但高世廣平賦裏鐵石心千古令人有深契

赤壁圖

輕風吹露生微寒短撓乘月凌碧嶺中赤壁逗
霞綺舟西縞羽來水純醉將江水南夢看從知世
變如波瀾忠藎不磨想諸葛英雄寔在嗟曹瞞洞

蕭桂棹亦偶爾萬古風月留奇觀畫中之賦賦中
景誰遣造化歸毫端

送顧孔昭

闌風伏雨摧百草惟有喬松青不老一枝直幹凌
雲烟幾派新枝插晴昊松兮松兮真可憐榮枯用
舍皆由天君不見明堂梁棟三千丈半是窮山舊
葉捐

三星圖壽留耕楊封君先生

三星麗空何輝煌回光下燭留耕堂化爲先真各
異態不與塵世同冠裳福星博大端且厚太山喬

岳誰能當祿星秀俊更清麗言笑動作皆文章壽
星骨像獨奇古長顛短髮雙瞳光管領萬姓宰下
土各有分職調陰陽聰明正直不受諂有一來照
咸禎祥留耕先生古君子夙以忠孝酬君王騎箕
孕昴未暇論前身自是三星行官封一品乃休退
年踰七稔猶康疆相君功業等稷契奉常才藻輕
斑楊桂林一枝魁杏花丹山五鳳鳴梧岡賢孫令
子總英俊凌霄步月淨翱翔壽筵昨日開西蜀望
雲遙祝流霞觴少傅拜前太史後分明上相連文
昌雪山不侶家聲重錦川直與恩波長祿高福厚

壽筭遠眼底富貴真糝糠新圖尚笑畫史拙筆底
所得才毫芒三星在天翁在地百千萬載同無疆

三星圖詩寄壽江陰夏易菴都闈

南薰江上開華筵新圖遠寄蓬萊天高堂倏爾來
三仙綺牕朱戶生祥烟翁家積善今誰肩綵衣膝
下長踰躑躅麟魚鳳食萬錢錦衣寶帶官林泉素
封萬頃皆圭田遐齡七袞當堯年蒼松古栢晚愈
堅眼看勝事人間全三仙之臨非偶然佑善有意
吾能傳天命三錫方綿綿壽踰南山福東川世享
天祿還曾玄

壽張通判母七十

南徐別駕東山客官倚南樓望鄉陌北堂慈顏寄
白雲此身恨乏雙飛翮若耶溪頭春水生蘭舟蕩
漾遙相迎斑衣五色映霞帔承顏早愜晨昏情吾
州山水稱第一玄圃丹丘詎容迷甘露樓將鐵龕
齊玉峰秀與金鼇匹壽星昨夜照江濱黃堂九月
先回春古稀宴啓重陽節壽母歌成珠履新阿婆
女中大君子四德三從應青史繡闈風範肅于秋
人道淡菴元在此今尹拜後太守前錦衣烏帽何
蟬聯祇疑淑人是王母未信官府非神仙涼風送

爽酒不醉一孝徹天天錫類盤中綠橘味初甘階
下黃花香未瘁仙郎種德如種田田夫感德遺祝
天蟠桃一熟三千歲歲歲願獻長生筵

題盤車圖和涯翁韻

兩車渡河河不流寒烟壓雪茅簷浮千廂萬斛藉
一牛牛力不徒吾農愁前輓後軌來山丘何人劇
飲醉且休中朝有道百度修西羗北虜咸願留妖
星不復明旄頭太平處處無千矛吾聞民樂生於
憂幽詩七月聖所教誰哉圖此呈龍樓

烏臺歌贈博興縣令同年馬崇功

前日聞君來歡心一片落酒杯今日送君去離愁
幾點生春對世能交游等逝波中流砥柱非君何
君能憂國如小范况有勁節如東坡昔不我鄙相
切磋誓欲同躋賢聖域不逐管晏遺丘軻柰何出
宰博興縣一別三年今始見循良譽重動銓曹指
日爭看膺鸚薦却怪愚民無厭心又來借寇南董
殿九重暫許返桐鄉帶得春風出畿甸君又別吾
堂歌亦有牧民者巧于逢迎刻于征科以法為奇
貨視民猶草莎甘心惠文冠汗顏郭泰曉其始亦
揚揚而自得要其終也身名俱敗人神共呵視君

所得果孰多嗚呼如君愛民古亦少猶恨用君苦
不早明當衣繡烏臺表有商霖活枯槁

南山歌壽錢屋舟

屋舟先生今年六十雙頰如童目如漆山中老鶴
本清癯天外征鴻自高逸卷菴老子蓬壺仙丹方
傳自堯率天難兄難弟今誰是回生起死追前賢
先生有丹還更別寡欲養心勤補拙食無重味省
腥羶口有三緘謝喉舌此丹却荷天翁知生祥降
福無休期具慶堂開佳麗地長生宴啓承平時名
家樂事不可當斑衣珠履猶尋常清風朋來獻頌

丹山碧水還稱觴我言先生天下少雪爲神玉爲
表塵寰奔走夢已醒杏圃芬芳春正好先生與我
同心人如何獨占江南春費郎醉處如我醉一尊
遠致黃封新常開椿齡八千年一年一賦南山篇
我詩已拚八千首却愁癡盡中冷酒

華岳圖歌壽邃菴先生

竊聞太華之高五千仞兮巉巖氣勢凌蒼空元精
融結肇太古平地嵬起超鴻濛白玉擎天屹一柱
黃金射日排三峰神劔鬼鑿豈人力自天墮下青
芙蓉千年磅礴降靈秀申甫後來生我公公從髫

年貢入明光宮崢嶸頭角人中龍長揚獻賦壓先
輩金馬待詔回重瞳鳳池珠玉絲綸在豸府風霜
雨露通已看文士埽陶鎔復有雄略驚羗戎三千
駭牝遍野數萬兵甲藏胷中丹雘碧水十年夢
紫塞長城百世功榮辭軒冕仍體國義急纓冠終
匪躬揭來拜命位元宰招延俊又分天工祇將一
德格玄造坐遣四海迴淳風襄相行藏關廟社溫
公姓字知兒童華夷拭目仰丰采具瞻正與茲山
同君不見山之氣兮散爲霖雨周八極沛然陽春
施德澤我公文章德業亦如此歌頌從來滿人耳

壽圖聊當南山詩復向高堂增仰止茲山得公名
益隆公亦樂與山相從山耶公耶兩莫辨但見意
氣橫絕直上天衢東區區祝望天下計願公與茲
山兮並立穹壤無終窮

築城謠爲何石首浹作富城卽石首也

朝築城民爭馳暮築城民忘疲朝朝暮暮聽指麾
役民之力民不知倏爾百雉臨江濶盜不敢問矧
敢窺何令尹何來遲昔無食今有魚昔敝袴今錦
裾富城城名不虛岌岌鐵不如千秋萬歲真我居

贈畫士吳偉次翁

小仙其別號

我生不解畫頗重解畫人長愛唐王維精巧妙入
神乾坤造化意無窮都在王郎方寸中興來落筆
自奇絕豈必擬議才爲工由唐至今知幾年良工
真祕何茫然荆襄近見吳小仙醉後筆聖臨張顛
揮毫對客動成篇丹青獨步誰比肩精思冥搜二
十載一朝妙悟玄中玄乃知絕藝本天授餘子碌
碌門徒專畫鴈掣奔雷畫雨騰百川畫水洪濤起
平陸畫山素壁生滄烟孫郎屏繩豈真誤獻之墨
牴人爭傳籍籍聲名滿京國門道絡繹來英賢
漢朝畫苑積多士被簡獨後承

恩先吳小仙試聽迂儒言請將田野愁悴狀爲我
畫圖呈

御前

聖皇愛民猶赤子覽此坐令九有沉疴痊

送仲與立

暫違仍擬叙陳雷忽見新除事可猜驛路蕭條憐
遠謫離筵落莫媿遲來易明任是遭無妄政美應
教誦有臺不久定知還賈誼別情雲樹自難裁
使鄭還鄉爲下應韶主事作

手持綸綽過庭關忠孝如君兩不違負弩漫勞誇

漢節稱觴先喜着萊衣胎禽引子排雲下老鳳教
雖向日飛莫道簡書催又別址山猶勝未能歸

用前韻雨中紀事

天公應是起潜蚪故遣風雷振六函匝地雨聲喧
水國漲天雲氣失江樓坐妨雲務憂田父遍禱神
祠走郡侯頓掃頑雲回日馭令人却憶段公游

春正人日玉堂齋居有懷屋舟

東風開漏杏林花美譽芳聲有數車肘後尚聞餘
秘訣祇宜授上王皇家

讀史有感

聖王御神器發政先施仁井田給饗殮雞犬供晨
昏父母視赤子寧忍一夫貧囹圄竟空虛良用教
化淳後人戴黃屋理道遂因循刀筆吏作相法律
勞心神民始自生息貧富誰爲均笮獨尤可憐糠
粃度春秋一飽且不遂七尺安能珍豈不愧爲盜
飢寒誠逼身縣官弗矜恤法網仍逡巡彼民何獨
辜展轉秦代秦撫卷歌康衢永懷陶唐民

贈宗君廷重分教黃縣

黃雲釀虛天濛濛故人疋馬走山東當年意氣凌
司馬卓犖議論驚王充胡爲有才命不偶白首僅

得官儒宮廣文職冷笑兒輩豈知師道古所崇
桃李成陰當重樂棟梁構厦知誰功嗟吁時論頗不
公乃言賢俊宜登庸若言賢俊宜登庸清時絳帳
今應空

封右諭德靜樂先生八十壽詩

賦就歸歟鬢尚玄二郎聲價已巍然文章政蹟恩
封載鐘鼎山林樂事全棠樹別來陰滿地庭槐親
見綠叅天洞庭歲歲開佳宴誰道王喬不是僊

送歸德太守張信卿詩

黃河之水天上來孤城歸德當其災耄倪往往化

魚鰲官府慶慶生蒿萊水頭低者亦寸丈俯視城
中翻若杯產盡沉龜乃常事此以此地真危矣城
邊父老泣相語黃河之水有時去爭如官吏險於
河暴斂強征誰敢拒鬻男質女尚催科平地黃地
可柰何黃河不治民不死若治黃河死更多傳語
州民莫怨煎新來太守才且賢豺狼斂跡河伯遜
行見擊壤歌堯年

宗社幸甚天下幸甚臣等備員輔導平時既不能
調護

聖躬弼亮治理茲有所聞若復忌避不言則欺
君負國之罪死不足贖儻以爲所聞不的冒干
天威明示黜罰不敢辭避臣等不勝忠愛懇悃惶
思迫切之至謹具題
知

邊務疏

題爲邊務事近因陝西地方節報虜寇聲息
特命太監張忠監督軍務帶領叅將宋贊湛臣部



下官軍三千員名從北路去都督張洪掛印充總
兵官帶領京營官軍五百員名遼東官軍三千員
名從南路去都御史陳天祥提督軍務各調度陝
西將官殺賊臣等仰見

皇上憫念關陝軍民重遭荼毒故欲大彰

天討以靖地方古帝王安夏攘夷伐罪救民之心
不是過也竊惟陝西自去冬北虜入套今年由夏
徂秋不次入境寇掠各該總制鎮巡等官不能設
策防禦致令八月以來擁衆深入腹裏平涼鳳翔
地方又侵犯延綏米脂綏德等處大肆擄掠我軍

意蓋出此以此策槍則可以此論王豈知王之心
者哉王之心知有君焉而已故寧其身之無功而
不忍其心一息之無君寧其功名之不竟而務使
其忠義一毫之罔缺何也心之所安在彼也或者
之論乃計功謀利之私充類至盡雖跋扈叛逆何
所不至淺丈夫有所不爲而謂王之賢爲之乎以
是論王將再屈於九原之下矣予故不可不辯廟
經始丙子春正月落成於丁丑秋八月凡一年有
奇太監公以內官監太監推擇來鎮浙土老成慎
重雅尚斯文觀乎此舉亦可知其所存矣

新建宗忠簡公祠堂記

忠簡宗公宋社稷之臣也名澤字汝霖婺之義烏人登元祐六年進士以對策切直爲時宰所忌調尉館陶流落擯棄者餘三十年靖康初擢守磁州未幾金人入寇長驅逼都城四面勤王之師逡巡前却莫肯先赴公時奉詔爲康王副元帥屢請督發而王之親臣汪伯彥黃潛善者阻之弗聽旣而提孤軍獨進徒以忠義招來豪傑所向屢捷然亦坐軍勢寡弱諸道莫有助者卒無成功及高宗正位宸極公首入對言興復大計流涕慷慨繼被命